

სახელმწიფო შესყიდვის შესახებ ხელშეკრულება №01

ქ. ბათუმი

08 იანვარი 2016 წ.

სახელმწიფო შესყიდვების განხორციელების მიზნით, "სახელმწიფო შესყიდვების შესახებ" საქართველოს კანონის მე-3 მუხლის 1 პუნქტის "ს" ქვეპუნქტის შესაბამისად (გამარტივებული შესყიდვა), ერთის მხრივ შპს „ჰიგიენა 2009“ (შემდგომში "შემსყიდველი") წარმოდგენილი მისი დირექტორის ირაკლი ცეცხლაძე სახით და და მეორეს მხრივ ი/მ „გელა პატარაია“ წარმოდგენილი გელა პატარაიას სახით, (შემდგომში "მიმწოდებელი"), ვდებთ წინამდებარე ხელშეკრულებას შემდეგზე:

1. ხელშეკრულების საგანი

1.1 წინამდებარე ხელშეკრულების საგანს წარმოადგენს (CPV_30200000 კომპიუტერული მოწყობილობები და აქსესუარები) და (CPV_38600000 ოპტიკური ხელსაწყოები) სხვადასხვა კომპიუტერული მოწყობილობები, აქსესუარები და ციფრული ფოტოაპარატის შესყიდვა (შემდგომში – "საქონელი").

1.2 შესყიდვის ობიექტის რაოდენობა და ფასი განისაზღვრება დანართის (დანართი #1-ის) შესაბამისად, რომელიც ერთვის თან ხელშეკრულებას და არის მისი განუყოფელი ნაწილი.

2. მხარეთა ვალდებულებები

2.1. მიმწოდებელი ვალდებულია:

ა) შემსყიდველს საქონელი მიაწოდოს ხელშეკრულებით გათვალისწინებულ პირობებში, შემსყიდველის მოთხოვნის შესაბამისად ხელშეკრულების გაფორმებიდან არაუგვიანეს 2016 წლის 15 იანვრისა.

ბ) საკუთარი ხარჯებით უზრუნველყოს შემოწმების შედეგად გამოვლენილი ყველა დეფექტის ან ნაკლის აღმოფხვრა.

2.2 შემსყიდველი ვალდებულია:

შეუფერხებლად აუნაზღაუროს მიმწოდებელის ფაქტიურად მიწოდებული საქონლის ღირებულება ამ ხელშეკრულებაში დადგენილი წესითა და პირობებით.

3. ანგარიშსწორების პირობები

3.1. ხელშეკრულების მთლიანი ღირებულება შეადგენს 2 775 ლარი (ორი ათას შვიდას სამოცდა თხუთმეტი) ლარს (შემდგომში – „ხელშეკრულების ღირებულება“).

3.2 შემსყიდველი მიმწოდებლისათვის საქონლის ღირებულების ანგარიშსწორებას ახორციელებს ფაქტიურად მიწოდებული საქონლის შესაბამისი სასაქანლო ზედნადების (საგადასახადო ანგარიშ-ფაქტურის) წარმოდგენიდან 10 კალენდარული დღის ვადაში ამ ხელშეკრულებით გათვალისწინებულ რეკვიზიტებზე, გადარიცხვის ფორმით. საკუთარი შემოსავლები.

3.3 ანგარიშსწორება ხორციელდება უნაღდო ანგარიშსწორების ფორმით, საქართველოს ეროვნულ ვალუტაში.

3.4. თუ შემსყიდველის მიერ ხელშეკრულებით განსაზღვრული მისაწოდებელი საქონლის მოცულობების ღირებულებამ არ შეადგინა აღნიშნული ხელშეკრულებით გათვალისწინებული თანხა, ასეთ შემთხვევაში შემსყიდველი გადაუხდის მიმწოდებელს ფაქტიურად მიწოდებული საქონლის მოცულობების ღირებულებას. აღნიშნულიდან

გამომდინარე მიმწოდებელს პრეტენზია არ უნდა გააჩნდეს მიუწოდებელი საქონლის მოცულობების ანაზღაურებაზე.

4. ხელშეკრულებაში ცვლილებების შეტანა

- 4.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.
- 4.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 4.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

5. უფლებების გადაცემა

მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მესამე პირს მოცემული ხელშეკრულებით არსებული თავისი ვალდებულებები.

6. მხარეთა პასუხისმგებლობა

- 6.1 წინამდებარე ხელშეკრულებით ნაკისრი ვალდებულებების შეუსრულებლობის, შესრულების ვადების დაგვიანებისა ან/და არაჯეროვანი შესრულებისათვის მხარეები პასუხს აგებენ ამ ხელშეკრულებითა და საქართველოს კანონმდებლობით დადგენილი წესის შესაბამისად.
- 6.2. წინამდებარე ხელშეკრულებით ნაკისრი ვალდებულებების შესრულების ვადების გადაცილების შემთხვევაში, ვადის გადამცილებელი მხარე ვალდებულია ყოველი ვადაგადაცილებული დღისათვის მეორე მხარეს პირგასამტეხლოს სახით აუნაზღაუროს ხელშეკრულების ჯამური ღირებულების 0.1%-ი.
- 6.3. იმ შემთხვევაში თუ ვადის გადაცილებისათვის გადახდილი ან/და გადასახდელი პირგასამტეხლოს მთლიანი თანხა გადააჭარბებს ხელშეკრულების მთლიანი ღირებულების 2%-ს, მაშინ ხელშეკრულების მოქმედება ვადამდე წყდება.

7. ხელშეკრულების შეწყვეტა მისი პირობების შეუსრულებლობის გამო

- 7.1. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:
 - ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მთელი მომსახურება ან მისი ნაწილი;
 - ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება.
- 7.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.
- 7.3. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ, აგრეთვე:
 - ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
 - ბ) მიმწოდებლის გაკოტრების შემთხვევაში;

გ) საქართველოს კანონმდებლობით გათვალისწინებულ სხვა შემთხვევაში.

7.4. 7.3. პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიღებული საქონლის ღირებულება.

8. ხელშეკრულების ინსპექტირების პირობები

8.1. სახელმწიფო შესყიდვების შესახებ ხელშეკრულების შესრულების კონტროლის განახორციელებს შემსყიდველი, შესყიდვების სპეციალისტი ირაკლი ჯიჭარაძე (პირადი №61001025813).

8.2. შემსყიდველს წინამდებარე ხელშეკრულების მოქმედების ნებისმიერ ეტაპზე აქვს უფლება განახორციელოს ხელშეკრულების შესრულებაზე კონტროლი და ასევე მომსახურების ხარისხზე პერიოდული ინსპექტირება კანონმდებლობით შესაბამისად.

9. მიღება-ჩაბარება

9.1. საქონლის მიღება-ჩაბარება ფორმდება ფაქტიურად მიღებული საქონლის შესაბამისი მიღება-ჩაბარების აქტის შედგენით, რომელსაც ადასტურებს ხელშეკრულების ორივე მხარე შესაბამისი უფლებამოსილი წარმომადგენლების ხელმოწერით.

9.2. შემსყიდველი ამოწმებს საქონლის ხელშეკრულების პირობებთან შესაბამისობას. თუ შესყიდვის ობიექტი (საქონელი) არ შეესაბამება ხელშეკრულების პირობებს, შემსყიდველი მიმწოდებელთან ერთად ან მის გარე შეადგენს შესაბამის აქტს.

9.3. მიღება-ჩაბარების აქტზე ხელმოწერას შემსყიდველის მხრიდან ახორციელებს ირაკლი ჯიჭარაძე (პირადი # 61006053298).

10. ფორს-მაჟორი

10.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს მხარეთა პასუხისმგებლობას ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

10.2. ამ მუხლის მიზნებისათვის 'ფორს-მაჟორი' ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან (თუ იგი გამოწვეული იყო მესამე პირის ბრალეული მოქმედებით, უბედურება, ხანძარი, ომი, მთავრობის დადგენილება ან მიმწოდებელთან შექმნილი ავარიული სიტუაცია და სხვა).

10.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს თავისი ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოების ზეგავლენისაგან.

11. სადავო საკითხების გადაწყვეტა

11.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

11.2. თუ ასეთი მოლაპარაკებების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადავო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

12. შეტყობინება

12.1. ნებისმიერი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, გაიგზავნება წერილის, დეპეშის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

12.2. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლისათვის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

13. ხელშეკრულების მოქმედების ვადა

ხელშეკრულება ძალაში შედის მხარეთა მიერ ხელმოწერისთანავე და მოქმედებს 2016 წლის 20 თებერვლის ჩათვლით.

14. გადასახადები და ბაჟები

მიმწოდებელი პასუხს აგებს საქართველოს კანონმდებლობით დადგენილი გადასახადების, ბეგარის, მოსაკრებლების და სხვა გადასახდელების გადახდაზე.

15. გარანტია

15.1. მიმწოდებელი ვალდებულია შეტყობინების მიღებისთანავე განახორციელოს წუნდებული საქონლის შეცვლა შემსყიდველის მხრიდან რაიმე დამატებითი დანახარჯის გაწევის გარეშე.

15.2. მიმწოდებლის მიერ ამ ვალდებულების შეუსრულებლობის შემთხვევაში შემსყიდველს უფლება აქვს თვითონ მიიღოს ზომები საქონლის გამოყენების პროცესში წარ-მოშობილი ხარვეზების გამოსწორებისათვის და მოსთხოვოს მიმწოდებელს შესა-ბამისი ხარჯების ანაზღაურება ან გამოქვითოს ეს თანხა ხელშეკრულების მიხედვით მიმწოდებლისათვის გადასახდელი თანხიდან.

16. სხვა პირობები

16.1. ხელშეკრულება შესრულებულია და ხელმოწერილია თანაბარი იურიდიული ძალის მქონე 3 ეგზემპლარად, რომლის ერთი ეგზემპლარი გადაეცემა მიმწოდებელს, ხოლო 2 ხელშეკრულების ეგზემპლარი რჩება შემსყიდველთან.

16.2. მისამართის ან მომსახურე ბანკის რეკვიზიტების შეცვლის შემთხვევაში მხარეები ვალდებული არიან 10 დღის განმავლობაში აცნობონ ერთმანეთს ამის შესახებ.

17. მხარეთა რეკვიზიტები:

შემსყიდველი

შპს - „ჰიგიენა 2009“

მისამართი: ქ.ბათუმი, დ.აღმაშენებლის ქ.№21

საიდენტიფიკაციო კოდი: 445626684

საბანკო რეკვიზიტები:

სს "კორ სტარდანტ ბანკი"

ბანკის კოდი: KSBGGE22

ანგარიშის №: GE98KS0000000340800017

მიმწოდებელი

ი/მ „გელა პატარაია“

მისამართი: ქ.ბათუმი, თამარ მეფ.დას. ქ. №8

საიდენტიფიკაციო კოდი: 61003002868

საბანკო რეკვიზიტები:

სს "პროკრედიტ ბანკი"

ბანკის კოდი: MIBGGE22


ანგარიშის №: GE08PC0033600100043497

დირექტორი:

ირაკლი ცეცხლაძე

ინდივიდუალური მეწარმე

გელა პატარაია



№	საკონლოს დასახელება	ზომის ერთეული	რაოდენობა	ერთეულის ფასი	მთლია ნი ფასი	CPV
1	კომბინირებული პრინტერი HP LaserJet Pro MFP M127fn - multifunction printer (B/W)	ცალი	2	455,00	910,00	30200000
2	პრინტერი HP LaserJet Pro P1102w Printer (Black)	ცალი	2	260,00	520,00	30200000
3	უწყვეტი კვების წყარო R850, Sumry, UPS, 850VA/300w 12V 7AH* 1 pcs (4113)	ცალი	4	78,00	312,00	30200000
4	ხმამდლამოლაპარაკე SP-S110 Black, Genius, Speaker, 1W	ცალი	5	20,00	100,00	30200000
5	ფლემ მუხსიერება A-DATA DashDrive UV100 16GB Black USB Flash Drive, Retail	ცალი	2	20,00	40,00	30200000
6	მაუსი უკაბელო Mouse/ SVEN/ RX-325 Wireless Black	ცალი	1	17,00	17,00	30200000
7	მაუსი Gembird MUS-U-001 Optical mouse, USB, black	ცალი	1	11,00	11,00	30200000
8	ნოუტბუქისჩანთა Notebook Bags/ 15.6" LLM2123	ცალი	1	25,00	25,00	30200000
9	Camelion Alkaline ელემენტი D ზომა, 2ც-შეკვრა LR20-BP2DG	ცალი	2	4,00	8,00	30200000
10	ბატარეები Gamelion AAA	ცალი	4	0,50	2,00	30200000
11	ყურსასმენი Microlab Audiophile headset K-270	ცალი	1	28,00	28,00	30200000
12	ვებ კამერა FaceCam 321, Genius VideoCam	ცალი	1	27,00	27,00	30200000
13	მუხსიერება A-DATA 32GB Premier SDHC UHS-I U1 Card (Class10) Retail	ცალი	1	37,00	37,00	30200000
14	ფოტოაპარატის ჩანთა Case Logic Compact Systems Camera Case SLMC-200	ცალი	1	60,00	60,00	30200000
სულ : SPV 30200000					2097	
15	ციფრული ფოტო აპარატი Sony Cyber-shot/ DSC-WX350 black 18.2 MP 20x Zoom Sony G Lens	ცალი	1	678,00	678,00	38600000
სულ : SPV 38600000					678,00	
სულ ჯამი:					2775,00	

